

Date – 26/04/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Kumin kumtir atangin vawiin thlengin Mamit Police Station ah thubuai 31 ziahluh a ni tawh a, nikum hemi hun chung aiin thubuai ziah luh zat hi 4 in a tam zawk.
2. National Health Mission NHM hnuaiia Programme RBSK leh Ebenezer Medical Centre-te thawhhonain naupang lung natna neite enkawl a ni.
3. Lok Sabha Inthlanpui thawh hnihna naktuka vote thlak turin inbuatsaihna peihfel thawkhat a ni .

<><><>

MAMIT CRIME

Kumin kumtir atangin vawiin thlengin Mamit Police Station ah thubuai 31 ziahluh a ni tawh a, nikum hemi hun chung aiin thubuai ziah luh zat hi 4 in a tam zawk.

Mamit Police Station ah hian thubuai ziahluh 31 atanga thubuai 9 te chu chhui zawh tawh niin abak thubuai ziahluh dang 22 te chu chhuilai mek an ni a. Hetih mek lai hian nikum lam a thubuai ziahluh tawh kumin a chhui fel tawh 18 a awm bawk a ni.

Tum dang ang bawkin kumin a Mamit Police Station a thubuai ziahluh 31 zinga a tam ber chu rukruk thubuai a ni a, rukruk thubuai bakah hian naupang kum tlinglo kuaikhemna POCSO thubuai 2, lirthei chet suauna leh thubuai dangte a tel a ni.

Mamit Police Station huam chungah hian Mamit khawpui bakah a chheh vel khaw 13 a awm a, heng zinga khaw 4 te chu lirthei a kal pawh theih loh, ke leh lawngleng hmanga kal ngai kuate an ni.

<><>

RBSK

National Health Mission NHM hnuaiia Programme Rastrya Bal Swasthya Karyakram (RBSK) leh Ebenezer Medical Centre-te thawhhonain naupang lung natna neite tana buatsaih Congenital Heart Disease Screening Camp tum 6-na chu Ebenezer Medical Centre, Chawnpui, Aizawlah neih a ni.

Cscreening camp hi nimin khan Directorate of Health Services Director Dr. Lalremmmawiin a kaihruaia hawn a ni a. Nausen atanga kum 18 inkar, lung na neite zawn chhuah a, a tul anga hmalakpuina hun buatsaih a ni thei chu lawmawm a tih thu sawiin RBSK programme kaltinga naupang tam tak ten nun nuam leh hrisel zawk an neih phah ngei theih nan duhsakna a hlan a. Hemi hnu hian Dr.Vanlalsiama, Medical Director, Ebenezer Hospital chuan mite tana malsawmna thlentun ni tur leh lung natna avanga tanpuina mamawh ngawih ngawihte tana tangkaina nei thei tura RBSK Programme nen

thawhhona an nei thei chu thil lawmawm leh chhinchhiah tlak tak a nih thu a sawi bawk.

RBSK puihna in naupang 90 chuang lung zai ngaite Hospital Bill RBSK chuan a tumsak tawh a. RBSK hian kum liamtaah khan state pawn hospital-ten tangkawpin screening camp tum 5 a lo buatsaih tawh a ni. State pawn Bangalore leh Imphal lama RBSK puihna a naupang lung zai tawhte pawh anni hian an lo enkawl chhunzawmsak thin a ni. Kumin hian Mizoram damdawi inah ngei, Mizo Cardiologist/Lung lam mithiam Dr. Vanlalmalsawmdawngliana hovin Screening Camp hi neih a ni.

RBSK leh Ebenezer Medical Centre-te hian kum 2024 January ni 25 khan thawhhona thuthlung MoU an ziaak fel a, he inremna bawh zui hian wawiinah Screening Camp hi buatsaih a ni ta a ni. He Screening Camp-a naupang lung enkawl ngai thlan chhuahte hi Ebenezer Medical Centre-ah enkawl an ni anga, an inenkawl na sensote hi RBSK, NHM, Mizoram chuan a tumsak dawn a ni.

><><>

CM

Saitual Town Maxi Cab Service Association (STMSA) chuan tunhnaia Lok Sabha inthlan zawh tak a, Saitual DC Office nena lirthei an inhman sak dan chungchangah nizan khan thuchhuah siamin, Saitual DC chuan a hnuiaia Election Vehicle Incharge- te atangin thudik tawh lo a dawng ni ah an ngai an ti.

Saitual DC in Press mite a kawmnaah Lok Sabha Election Saitual District chhunga Maxi Cab a hmante chu an inrem dan thlapa Motor hmanna man Cheng 6,000 leh long run a hman chhuah a nihin km 1-ah cheng 40 kal lam chauh Bill thei tura inremna siampui anga ngaihtheih tura a sawi chu Saitual Town Maxi Service Association chuan hriatthiam harsa an ti tih an sawi a, long run-a kalte, kal lam emaw hawlam chauh Bill thei tur hian inremna an siampui lo mai ni loin, sawi pawh sawiho ani lo hrim hrim a an ti.

Tun inthlanah pawh an tlan zat Kilometre dik tak, kal lam leh hawlam Bill an la vek zawk a ti a, an inrem dan chuan Polling Party phur tur, inthlan hma leh inthlanni a an hmante chu nikhatah Rs 6,000/- a ni a ,a bak chu MLA terms and Condition 2023 ang kha' tih a ni an ti.

Hetianga thil diklo leh fel tawh lo awm ni a lang hi a mawhphurtute chhui chhuak a, Maxi Cab an hman zawng zawng te hian an hmanna man diktak an dawn vek theih nan thuneituten a rang thei ang bera hma laksak an duh hle a ni an ti.

<><><>

BEAR AT LARGE

Aizawl Zoological Park atanga savawm chhuak chu tun thlengin hmuh ala nilo.

Kan corr thudawn danin Savawm hnu chhui a thawktu ten ngawrh taka savawm chhuak an veh laiin, thawhtanni khan an hnu chhui tawpna ram ah Savawm thang kam tuma hnu chhuite an inbuatsaih mek laiin mau hmunah thisen bua leh a sirah hngang hlai nate hmuh a ni a, hnu chhuitute chuan savawm chhuak hi tu emaw in an kap ni ngei in an ring a ni.

Thisen hmuh te chu MZU Bio-tech Laboratory- ah finfiah tura pek nghal niin mau a thisen te chu mihring kut atanga kai nia chhui tuten an rinhlelh avangin Forensic FSL Science Laboratory ah finger print analysis tih nghal a ni bawk. DNA test result hi nghah mek a ni a, result a zirin hmalak dan tur rel thar a nih tur thu thawktuten an sawi.

Sahuan atanga savawm chhuak hi a thawm emaw, hmu techuan a rang lama Forest Department Officials te hriattir turin thawktute chuan mipuite an ngen a ni.



MSU

Mizo Students' Union (MSU): General Headquarters, Aizawl chuan NIT Director Prof. S. Sundar hmuin Manipur buaina avanga Manipur-a zirna chhonzawm thei lo Zohnahthlak NIT zirlaite an zir chhonzawm theih dan tur an sawipui.

Kuki Student's Organisation te'n Manipur NIT zirlai 38-te tana tanpui an ngenna kal zelah MSU chuan NIT Director leh Registrar te hnenah Mizoram NIT-a zirna an chhonzawm theih dan tur ruahmansak turin an thlen a. Heng zirlaite hian Manipur buaina avangin class an kal chhonzawm thei tawh lova, semester hnih lai an thulh phah tawh thu MSU chuan NIT thuneitute hnenah an thlen a. NIT Mizoram Director chuan zirlaiten an chhonzawm ngei theihna turin Ministry of Education leh NIT Manipur Director hnenah a thlen tur thu sawiin, tun dinhmunah exam buatsaih mai tur a nih tawh avangin semester tan leh hma August ni 1, 2024 hma chuan zirlaite dinhmun tur pawh hriat theih a beisei thu MSU hruaitute chu a lo hrih a. Zirlaite pawh eng tik lai pawhin class an chhim a phal reng thu a sawi bawk.

Manipur state buaina avanga Zofa zirlai harsatna tawkte tan MSU Pisa a inhawng reng a, zirlai nu leh pate pawh inthlahrung lova harsatna an tawh te thlen zel turin a hriattir bawk a ni.



GETEX

Tuna Dubai World Trade Centre-a neih mek, Global Education and Training Exhibition (GETEX) 2024-ah India chu a che tha hle a. He hunah hian India chuan thawm an nei lian bera, India Pavilion hian international higher education lama an ram inpekna a phochhuak a.

Services Export Promotion Council (SEPC), Ministry of Commerce and Industry leh Dubai-a Consulate General of India te buatsaih niin international higher education tihmasawn tura India inpekna a pholang a ni.

New Education Policy-2020 hnuaiyah Services Export Promotion Council chuan zirna lama khawvel pum huapa thawhhona siam turin hma a la nasa hle a. Heng hmalaknate hian khawvel pum huapa outreach programme te, exhibition te, roadshow te, sumdawna lama palai te, ramdang university te nena thawhhona te a huam a ni. GETEX-2024-a India Pavilion hi heng hmalaknate chhonzawm zel a ni a, India ram atanga institution lar tak tak leh EdTech company 25 chuang pholan a ni.

Satish Kumar Sivan, Consul General chuan Indian pavilion hi EDCIL(India) CMD Mr. Manoj Kumar, DG-SEPC, Dr. Abhay Sinha, leh Ministry of Education atanga Mr. Ayush Verma te nen an hawng a ni. GETEX 2024 hi ni thum chung aw hawng tur a ni a, ram 30 atanga university 200 chuang an telkhawm a ni. Exhibition-ah hian zirlai, chhungkua leh professional-te tan zirna lama hmasawna tur zawngtute tan hmun khata awm theihna hmun a ni.

<><><>

LS ELECTION

Lok Sabha Inthlanpui thawh hnihna naktuka vote thlak turin inbuatsaihna peihfel thawkhat a ni a, State 12 leh Union Territory of Jammu and Kashmir huam chhunga bial 88-ah vote thlak a ni a, Outer Manipur Lok Sabha bial la awmte tan pawh vote thlak a ni ang.

Naktuk-a inthlanna vote thlak turah hian: Kerala-ah seat 20 a awm a, Karnataka-ah seat 14, Rajasthan-ah seat 13, Uttar Pradesh leh Maharashtra-ah seat pariat ve ve, Madhya Pradesh-ah seat paruk, Assam leh Bihar-ah seat panga ve ve, West seat pathum ve ve an ni Bengal leh Chhattisgarh leh Manipur, Tripura leh Jammu and Kashmir-ah seat khat ve ve a awm bawk.

Madhya Pradesh-a Betul Parliamentary Constituency-a inthlan thawh hnihna neih tura ruahman chu BSP Candidate boral vangin a thawh thumna atan sawn a ni.

<><><>